

मान जाना दाई वो

मान जाना दाई वो, मान जाना वो॥
आरती थारी हुम अगियारी खाड़ा खप्पर तोर दुवारी।
झन रिसियाना दाई वो.....

का मंतर जंतर मा दाई, मै हर तोला रिझावव माँ
नई जनाव तोर मान मनोती,कइसे के तोला मनावव माँ
तोर सेवा बर ओसरी पारी।सकलाये सगरो नर नारी।
अब थिरयाना दाई वो.....

दसो अंगूरी ले घेरी बेरी,नत नत अरजी गुजारव वो
मन मंदिर में तोरे नाव के सरधा के दियना बारव वो
तिहि दुनिया के हस रखवारी।कतको रूप के सिरजन हारी।
मोरो पतियाना दाई वो.....

तोर दिये अन धन परसादी,तोहिच बर ओ चघाये हव
नरियर भेला पान सुपारी,काचा लिमऊ मढाये हव
कारी पियर चाऊर भारी।बनथे बनोंकि तोर सहारी।
झन चिचियाना दाई वो.....

मया पबरित निछमल बंधना,दाई तिहि गाडियाये वो
फेर काबर दुलरू लइका बर,माता तै रिसियाये वो
सांत हगे जग के महतारी।गौतम तरस दरस बलीहारी।
तै सुरताना दाई वो.....

गायक-दिवेश साहू
संगीतकार-राहुल एवं शेखर
मांदर वादक-चतुर मानिकपुरी
मंजीरा-योगश नीरज
कोरस- शुभम राजा नीरज
रचनाकार- श्री शेषनारायण गौतम गुरु जी
प्रेसक- जय माँ चण्डी सेवा एवं भजन मंडली लाखे नगर रायपुर

अपने Android मोबाइल पर [BhajanGanga](#) App डाउनलोड करें और भजनों का आनंद ले |